

摘藻堂四庫全書薈要

經部

欽定四庫全書薈要

經部

日講春秋解義卷二十三

四

詳校官原任侍講臣王燕緒

欽定四庫全書薈要卷一千七百四十八

經部

日講春秋解義卷二十三

文公

名興僖公之子母聲姜以襄王二十六年即位諡法慈惠愛民曰文忠信接禮曰文

元年春王正月公即位

殺梁

繼正即位正也

繼正謂繼正卒也隱去即位以見讓桓書即位示安忍莊閔僖

不言即位皆繼弒

即位者告廟臨羣臣也必逾年然後改元書即位者緣始終之義一年不二君緣臣民之心不可曠

年無君也即位必以歲首正始也自古通喪三年告廟則冢宰攝而行之如伊尹祠于先王是也唯即位臨羣臣則權一時之宜如借吉例事畢即反喪服盖易世傳授國之大事當嚴其禮而王侯以國為家雖先君之喪猶以為己私服也魯自隱至文桓公弑立外惟文公書即位盖國無變事舉行其禮則史書其事也

二月癸亥日有食之

公羊日上有朔字

天王使叔服來會葬

左傳

元年春王使內史叔服來會葬

叔氏服字

公孫敖聞其

能相人也

公孫敖魯大夫慶父子叔服能視人顏色知吉凶

見其二子焉叔

服曰穀也食子難也收子

穀公孫敖長子文伯難公孫敖次子惠叔食子奉祭

祀供養者也收子葬身者也

穀也豐下必有後于魯國

豐下蓋面方為八年

公孫敖

奔莒傳

公羊傳

其言來會葬何會葬禮也

穀梁傳

葬曰會

言會明非一人之辭

其志重天子之禮也

凡崩薨卒葬人道之大變也不以得禮為常事而不書其甚害於王法如君弑賊不討吳楚稱王之類則聖人有削而不書以示義者矣諸侯使卿來會葬不書常事也王使來魯則無不書尊王命且以著魯不朝聘而王數加禮為失政也王於諸侯有弔贈含襚之禮而使人會葬則諸侯相交之喪紀也况天王之喪葬魯君不聞親赴而王臣先至以待諸侯之葬期冠履倒置至此極矣

附錄左傳

于是閏三月非禮也

于歷法當在僖公末年誤于今年三月置閏蓋時達

歷者所識

先王之正時也履端于始舉正于中歸餘于終

履步也日月運轉于天猶人之行步故推歷謂之步歷步歷之始以為術之端首謂以十一月一日子初一刻冬至為歷首暮之日三百六十有六日日月之行又有遲速而必分為十二月舉中氣以正月月朔之與月節每月各剝一日所有餘日歸之于終續成一月則置之為閏故言歸餘于終

始序則不愆

四時無愆過

舉正于中民則不惑

斗建不失其次寒暑

不失其常歸餘于終事則不悖

四時得所則事無悖亂

夏四月丁巳葬我君僖公

左傳 夏四月丁巳葬僖公

穀梁 薨稱公舉上也葬我君接上下也僖公葬而後

傳 舉謚謚所以成德也于卒事乎加之矣

諸侯五月而葬僖公以十二月薨以四月葬於禮

為合矣

天王使毛伯來錫公命

左傳 王使毛伯衛來錫公命 毛國伯爵衛其字也

諸侯為王卿士者 公羊 錫者何賜也命者何加我服也 復發傳者嫌禮與桓公同死生

異也古者三載考績三考黜陟幽明文
公新即位功未足施而錫之非禮也

穀梁傳

禮有受命無來錫命錫命非正也

命所當錫者三終喪入見則有黻冕圭璧之錫禮
所謂以士服見天子賜之黻冕圭璧然後歸是也
歲時來朝則有車馬袞黼之錫如采菽之詩所稱
是也敵愾獻功則有彤弓旅矢之錫如彤弓之詩
所稱是也然是三者皆諸侯至王所受之天子無
往錫之禮今文公居喪始越五月既非初見之時

又無繼朝獻功之事毛伯之錫何為哉故書以譏之

晉侯伐衛

左傳晉文公之季年諸侯朝晉衛成公不朝使孔達侵

鄭伐縣訾及匡

孔達衛大夫匡杜注在潁川新汲縣東北今河南扶溝縣西有匡城

晉

襄公既祥

祥謂小祥也

使告于諸侯而伐衛及南陽

杜注南陽

河內地

先且居曰效尤禍也

尤衛不朝故伐今不朝王是效衛致禍時王在溫故

勸之請君朝王臣從師晉侯朝王于溫先且居胥臣伐

衛五月辛酉朔晉師圍戚六月戊戌取之獲孫昭子

昭子衛大夫食戚邑

齊桓於霸為盛而業止其身晉文得國日淺視桓
少遜而子孫繼霸者凡十世則以襄公克纘父功
尊獎王室故威加諸侯而霸業不替如衛侯不朝
將告于諸侯而伐之乃能聽先且居之言朝王于
溫而後往伐可謂知禮矣

叔孫得臣如京師

左傳 叔孫得臣如周拜

得臣叔牙之孫如周謝錫命

不自朝而使卿拜命終喪之後又不類見慢王之罪其可逭乎趙氏鵬飛以拜命為非謂釋衰服敲於心不安說亦無據在禮喪公弔之必有拜者使人拜未聞遂釋服也

衛人伐晉

左傳 衛人使告于陳

以晉伐告

陳共公曰更伐之我辭之

見伐

求和不競大甚故使報伐示已力足以卑晉我陳侯也言為衛以辭謝晉求和

衛孔達帥師

伐晉君子以為古者越國而謀

衛人聽陳共公謀使孔達伐晉夫古者越國而謀
必義事也今陳與衛不謀以小事大之禮而乃稱
兵報伐他日陳為衛請而執達以說其為謀也過
矣

秋公孫教會晉侯于戚

此大夫專會諸侯之始戚杜注
衛邑在頓丘衛縣西今直隸開

州北有
古戚城

左傳秋晉侯疆戚田故公孫教會之

晉取衛田正其疆
界公孫教即穆伯

慶父之
子也

魯之三家雖自僖公而僖之世尚未見其恣也及
文公之初則已專盟會矣夫諸侯非王命自為會
猶以為罪況以列卿上會霸主豈非政逮大夫之
漸乎魯與晉交失之矣

冬十月丁未楚世子商臣弑其君頹

頹公羊穀
梁作髡

左傳

初楚子將以商臣為太子訪諸令尹子上子上曰

君之齒未也

齒年也
言尚少

而又多愛黜乃亂也楚國之舉

恒在少者

舉立也

且是人也蠹目而豺聲忍人也不可

立也弗聽既又欲立王子職而黜太子商臣

職商臣庶弟

商臣聞之而未察告其師潘崇曰若之何而察之潘

崇曰享江芊而勿敬也

江芊成王妹嫁于江

從之江芊怒曰呼

役夫

呼發聲也役夫賤者稱

宜君王之欲殺女而立職也告潘

崇曰信矣潘崇曰能事諸乎

問能事職否

曰不能能行乎

曰不能能行大事乎曰能

大事謂弒君

冬十月以宮甲圍

成王

太子宮甲僖二十八年王以東宮卒從子玉蓋取此宮甲

王請食熊蹯而死

熊掌難熟奠弗聽丁未王縊諡之曰靈不瞑曰成乃

瞑穆王立以其為太子之室與潘崇使為大師且掌

環列之尹

環列之尹宮衛之官列兵而環王宮

穀梁傳日髡之卒所以謹商臣之弑也夷狄不言正不

正中國君卒正者例日篡立不正者不日夷狄君卒皆畧而不日今書日謹識商臣之大逆耳不以明

髡正與不正

楚僭號已久世子必不誓於天子今特書世子以著其罪也不言其父言其君者君之於世子有父

之親有君之尊言世子所以明有父之親言君所以明有君之尊也楚顏僭王在位四十六年陵暴列國戰克攻取毒被天下終以昧於父子君臣之道禍發蕭牆所謂不善之積必有餘殃豈不信與

公孫敖如齊

左傳穆伯如齊始聘焉禮也凡君即位卿出竝聘踐修

舊好要結外援好事鄰國以衛社稷忠信卑讓之道也忠德之正也信德之固也卑讓德之基也

諸侯初即位於列國有通嗣君之禮然得臣聘周而赦聘齊等周於齊失禮已甚或謂聘齊以請婚在喪謀婚尤為非禮不貶而惡見矣

附錄左傳

穀之役

在僖三十三年

晉人既歸秦帥秦大夫及左右

皆言于秦伯曰是敗也孟明之罪也必殺之秦伯曰是孤之罪也周芮良夫之詩曰大風有隧貪人敗類

詩大雅隧蹊徑也言貪人之敗善類若大風之行毀壞衆物所在成蹊徑

聽言則對誦言

如醉

言得道聽塗說之言則喜而答對典誦之言則聞之若醉

匪用其良覆俾我

恃

覆反也。俾使也不用良臣之言反使我為恃亂。

是貪故也。孤之謂矣。孤實

貪以禍夫子。夫子何罪。復使為政。

為明年秦晉戰彭衙傳。

二年春王二月甲子晉侯及秦師戰于彭衙。秦師敗績。

彭衙杜注秦地馮翊郃陽縣西北有彭衙城在今陝西白水縣東北。

左傳二年春秦孟明視帥師伐晉以報殽之後。二月晉

侯禦之。先且居將中軍。趙衰佐之。

代郤

王官無地。御

戎

代梁弘

孤鞠居為右。

鞠居續簡伯

甲子及秦師戰于彭衙。

秦師敗績。晉人謂秦拜賜之師。

以孟明言三年將拜君賜故啜之。

戰

于穀也晉梁弘御戎萊駒為右戰之明日晉襄公縛

秦囚使萊駒以戈斬之囚呼萊駒失戈狼暉取戈以

斬囚禽之以從公乘遂以為右

因上文萊駒失戈故言禽之生死皆曰禽

箕之後

在僖三十三年

先軫黜之而立續簡伯狼暉怒其友

曰盍死之暉曰吾未獲死所其友曰吾與女為難

欲共

殺先軫

暉曰周志有之勇則害上不登于明堂

周志周書也明

堂所以策功序德故不義之士不得升

死而不義非勇也共用之謂勇

共用死國用

吾以勇求右無勇而黜亦其所也

言今死而不義更成

無勇宜見退

謂上不我知黜而宜乃知我矣

言今見黜而合宜則吾不

得復言上不我知

子姑待之及彭衙既陳以其屬馳秦師死

焉晉師從之大敗秦師君子謂狼曠于是乎君子詩

曰君子如怒亂庶遄沮

詩小雅遄疾也沮止也言君子之怒必以止亂

又曰

王赫斯怒爰整其旅

詩大雅

怒不作亂而以從師可謂

君子矣秦伯猶用孟明孟明增修國政重施于民

趙成子言于諸大夫曰

成子趙衰

秦師又至將必辟之懼

而增德不可當也詩曰毋念爾祖聿修厥德

詩大雅言念其

祖考則宜述修其德
以顯之母念念也

孟明念之矣念德不怠其可敵

乎

為明年秦人伐晉傳

秦穆公邀利以取敗不自悔責而事報復師出無
名故不稱伐晉襄公得志於穀可以已矣秦兵再
至不修文告以卻之而逞志於再戰是主乎戰者
也故言及蓋秦穆憤於敗而不能平晉襄狃於勝
而不能屈血氣用事無理義以養其心終於稔怨
結讎黷武殘民而已春秋書秦晉之戰所以為世

之不能懲忿窒慾者戒也

丁丑作僖公主

左傳丁丑作僖公主書不時也過葬十月故曰不時

公羊傳作僖公主者何為僖公作主也主天子長尺二寸諸侯長一尺

主者曷用虞主用桑禮平明而葬日中而反虞以陽求陰謂之虞者親喪已下壙皇

皇無所親求而虞事之虞猶安神也用桑者取其名與其麤狃所以副孝子之心禮虞祭天子九諸侯七

卿大夫五士三練主用栗謂期年練祭也埋虞主于兩階之間易用栗也夏后

其奠處猶吉祭氏以松殷人以柏周人以栗禮士虞記曰桑主不文吉主皆刻而謚之蓋為禘祫時別昭穆也虞主三代

同者用意尚麤
猶未暇別也

用栗者藏主也

藏于廟室中堂

作僖公主何

以書譏何譏爾不時也其不時奈何欲久喪而後不

能也

禮作練主當以十三月文公亂制欲服喪三十
六月十九月作練主又不能卒竟故以二十五

月也

穀梁傳

作為也為僖公主也立主喪主于虞吉主于練

此雖為練作之主終入廟以辨昭穆故傳以吉言之

作僖公主譏其後也

僖公薨至

此已十月

作主壞廟有時日于練焉壞廟壞廟之道易

檐可也改塗可也

禮親過高祖則毀其廟以次而遷
將納新神然作主在十三月壞廟

在三年喪終傳連言之
非謂作主壞廟同時也

作主常禮也何以書蓋喪主作於方葬之時吉主
作於小祥今僖公之薨已十有五月乃始作主慢
甚矣故書之譏不時也

三月乙巳及晉處父盟

因朝而盟始此

左傳晉人以公不朝來討公如晉夏四月己巳

經書三月乙巳

經傳必有誤

晉人使陽處父盟公以耻之書曰及晉處父

盟以厭之也

厭猶損也

適晉不書諱之也

公羊

傳

此晉陽處父也何以不氏諱與大夫盟也

穀梁

傳

不言公處父仇也為公諱也何以知其與公盟

以其日也何以不言公之如晉所耻也出不書反不致也

凡盟必書地其不地於晉也公在喪未朝天子而畏晉之威越禮朝晉晉侯乃使大夫盟公以辱之是以沒不書公諱之也齊晉霸業正盛時未嘗使諸侯受盟於其國魯閔公襄公童子侯也桓公出

盟閔公于落姑悼公出盟襄公于長檮不敢以非
禮加諸侯也而襄公乃使大夫盟公于國都故諸侯
懾於其勢而心不服此晉霸之所以易世而衰與

夏六月公孫敖會宋公陳侯鄭伯晉士穀盟于垂隴

穀

梁作穀垂隴公羊穀梁作垂斂杜注鄭地滎陽縣東有隴城在今河南滎澤縣東北此外大夫書名之始

左公未至

朝晉未歸

六月穆伯會諸侯及晉司空士穀盟

于垂隴晉討衛故也書士穀堪其事也

晉司空非卿也以士穀能

堪卿事

陳侯為衛請成于晉執孔達以說

故書

穀梁傳 內大夫可以會外諸侯

大夫而敵諸侯於是始晉遂以大夫主諸侯也自書士穀而後凡役書大夫大夫張也大夫之張君使之也或疑當時君權尚尊非如襄昭之際大夫專國然防微杜漸不可不謹也

自十有二月不雨至于秋七月

公羊傳

何以書記異也大旱以災書此亦旱也曷為以

異書大旱之日短而云災

云言也言有災

故以災書此不雨

之日長而無災故以異書也

穀梁傳

歷時而言不雨文不憂雨也不憂雨者無志乎

民也

不雨之月歷時而總書與僖公之每時一書不雨者異蓋僖公有閔雨之心文公無望雨之意也不雨止於七月則八月雨矣雨亦不書見不以民事繫憂樂也其怠於政事可知矣

八月丁卯大事于大廟躋僖公

左傳秋八月丁卯大事于太廟躋僖公逆祀也于是夏

父弗忌為宗伯尊僖公且明見曰吾見新鬼大故鬼

小新鬼僖公既為兄死時年又長故鬼先大後小順

也躋聖賢明也又以僖公明順禮也君子以為失禮

禮無不順祀國之大事也而逆之可謂禮乎子雖齊

聖不先父食久矣齊肅也臣繼故禹不先鯀湯不先

契鯀禹父契湯文武不先不窋不窋后宋祖帝乙鄭

祖厲王猶上祖也帝乙微子父厲王鄭桓公父二國

不以帝乙厲王不肖猶尊尚之

是以魯頌曰春秋匪鮮享祀不忒皇皇后帝皇祖后

稷

忒差也皇皇美也后帝天也詩頌僖公郊祭上天配以后稷

君子曰禮謂其后

稷親而先帝也

先稱帝也

詩曰問我諸姑遂及伯姊

詩邶風

君子曰禮謂其姊親而先姑也

僖親文公父夏父弗忌欲何時君先其所

親故傳以此二詩深責其意

仲尼曰臧文仲其不仁者三不知者

三下展禽

展禽柳下惠也知其賢而使在下位

廢六關

塞關陽關之屬凡六所以禁絕

未游而

妾織蒲

言與民爭利

三不仁也作虛器

謂居蔡山節藻稅也

有其器而無其位故曰虛

縱逆祀

聽夏父躋僖公

祀爰居

海鳥曰爰居止于魯東門外文

仲以為神命
三不知也
國人祀之

公羊傳

大事者何大禘也大禘者何合祭也其合祭奈

何毀廟之主陳于大祖

毀廟謂親過高祖毀其廟藏其主于大祖廟中陳者陳列

大祖前大祖東鄉昭南鄉穆北鄉其餘孫從王父父曰昭子曰穆昭取鄉明穆取北面尚敬

未毀

廟之主皆升合食于大祖

自外來曰升

五年而再殷祭

殷盛

也謂三年禘五年禘禘所以異于禘者功臣皆祭也

躋者何升也何言乎升僖

公譏何譏爾逆祀也其逆祀奈何先禰而後祖也

文公

以僖公為閔公庶兄升僖公于上失先後之義故譏之曰後祖者僖公以臣繼閔公猶子繼父故閔公于

大公亦
猶祖也

穀梁傳

大事者何大是事也著祫嘗

祫合也嘗秋祭

祫祭者毀

廟之主陳于大祖未毀廟之主皆升合祭于大祖

祭祫

者合祭諸廟已毀未毀者之主于大祖廟中以昭穆為次序祭畢則復還其廟

躋升也先親

而後祖也逆祀也逆祀則是無昭穆也無昭穆則是

無祖也無祖則無天也故曰文無天無天者是無天

而行也

謂天道先尊而後親今亂其上下不仰法天也

君子不以親親害尊

尊此春秋之義也

凡祭而失禮則書祭名祭非失禮為下事張本則稱事此大事于大廟蓋祫祭也祫者吉祭不言吉者主為逆祀書也閔僖二公昭穆雖同世而繼序有先後閔公弟也實為僖之君僖公兄也實為閔之臣入廟之主有定序僖不得先閔明矣今文公私於其父序兄弟畧君臣升僖之主於閔之上非禮甚矣公穀皆以大事為祫左傳無明文而杜預以為禘公羊注又曰三年祫五年禘皆非也五年

而再殷祭謂三年一祫五年再祫耳

冬晉人宋人陳人鄭人伐秦

左傳冬晉先且居宋公子成陳轅選鄭公子歸生伐秦

取汪及彭衙而還以報彭衙之役卿不書為穆公故尊秦也謂之崇德

自入春秋至此惟魯大夫帥師以名見外師非君將恒稱人外大夫自士穀專盟始以名見陽處父專將始以名見而餘猶稱人大夫雖張而未甚也

至晉秦結怨勦民報復無已則不待貶而惡見矣

公子遂如齊納幣

左傳襄仲如齊納幣禮也凡君即位好舅甥修昏姻娶

元妃以奉粢盛孝也

謂諒闇既終嘉好之事通于外
內外內之禮始備此除凶之即

位也孝禮之始也

公羊傳

納幣不書此何以書譏何譏爾譏喪娶也娶在

三年之外則何譏乎喪娶三年之內不圖昏

僖公以十二月

薨至此未滿二十五月又禮先納米問名納
吉乃納幣此四者皆在三年之內故云爾

吉禘于

莊公譏然則曷為不予祭焉譏三年之恩疾矣

疾非痛

虛加之也以人心為皆有之以人心為皆有之則曷

為獨于娶焉譏娶者大吉也非常吉也其為吉者主

于已以為有人心焉者則宜于此焉變矣

變者變慟哭泣也念

親者聞欲為已圖昏則當變慟哭泣况乃至子納幣成昏哉

昏姻常事不書其書納幣者譏喪未終而圖昏也

婦姜之迎在四年夏喪服已畢何以譏之蓋事莫

重乎志故曰志哀而居約與之知喪逆婦雖在三

年外而納幣尚在喪期之內未祥而行嘉禮哀戚忘矣志可問乎春秋此義使人抑情以去私其垂教切矣

三年春王正月叔孫得臣會晉人宋人陳人衛人鄭人

伐沈沈潰

沈杜注姬姓國汝南平輿縣北有沈亭按漢志汝南治平輿故沈子國屬蔡州今河南汝

陽縣東南有平輿故城沈亭在其地霸國大夫會諸大夫伐國自此始

左傳

三年春莊叔會諸侯之師伐沈

莊叔即得臣

以其服于

楚也沈潰凡民逃其上曰潰在上曰逃

晉襄繼霸未嘗一出與諸侯會盟而使大夫主之
自伐衛而後軍政亦委之大夫其志益怠矣方是
時商臣有覆載不容之罪國人惡之使晉襄能伸
大義親帥諸侯以討楚則商臣不能自安楚人必
有因敵勢順衆心起而討賊改立君以聽命於諸
侯者如此則有光於桓文矣乃視非己事而使大
夫主兵伐其與國之小者商臣以是料晉之無能
為是以沈鉅潰而圍江之師旋出也

附錄
左傳 衛侯如陳拜晉成也

二年陳侯為衛請成于晉

夏五月王子虎卒

左傳 夏四月乙亥王叔文公卒來赴弔如同盟禮也

王子

虎與僖公同盟于翟泉文公是同盟之子故赴以名

公羊傳 王子虎者何天子之大夫也外大夫不卒此何

以卒新使乎我也

穀梁傳 叔服也此不卒者也何以卒之以其來會葬我

卒之也或曰以其嘗執重以守也

僖二十四年天王出居于鄭叔服執

重任以
守國

王子虎者穀梁以為即叔服然左氏於叔服稱內
史於子虎稱王叔文公而後此星孛入斗之時叔
服復見於傳則非王子虎明矣踐土之役王子虎
盟諸侯於王庭蓋天子之秉政者王臣無外交今
死而赴告於魯故書以譏之

秦人伐晉

左傳

秦伯伐晉濟河焚舟

示必死也

取王官及郊

王官杜注晉地今山

西臨晉縣東南王官谷有廢壘即王官城也
也郊杜注晉地當為今臨晉平陽間小邑
晉人不出

遂自茅津濟封殽尸而還

茅津杜注在河東大陽縣西今山西平陸縣南大陽

渡即茅津也有古茅城封埋歲之

遂霸西戎用孟明也君子是以知

秦穆公之為君也舉人之周也

周備也不偏以一惡棄其善

與人

之壹也

壹無二心

孟明之臣也其不解也能懼思也子

桑之忠也其知人也能舉善也

子桑公孫枝舉孟明者

詩曰于

以采繁于沼于沚于以用之公侯之事秦穆有焉

詩國

風言沼沚之繁至薄猶采以共公侯以喻秦穆不遺小善

夙夜匪懈以事一人孟

明有焉

詩大雅

詒厥孫謀以燕翼子子桑有焉

詒遺也燕安也

翼成也詩大雅喻子桑有舉善之謀

舊說秦伯知過復貳故貶而稱人非也考之於經
惟戰韓稱秦伯蓋兩君親戰若書秦人則疑晉侯
見獲於秦大夫其餘終穆公之篇皆書秦人未有
稱爵者又謂晉人畏秦而不出秦伯逞其忿而後
悔自是見伐不報始能踐其自誓之言亦非也考
之傳記則踰二年而穆公卒何由知其自悔而不

報乎先儒曲生義例謂聖人以常情待晉襄以王
事責秦穆皆因書錄秦誓謂孔子以穆公為賢不
知誓詞有足為天下後世法者故不廢其言至其
窮兵報怨則脩書於春秋以著其罪猶化工賦物
生殺竝行而不相悖也

秋楚人圍江

左傳楚師圍江晉先僕伐楚以救江

自齊桓之霸江黃以近楚之國竝從齊盟楚深憾

之滅黃已久今復圍江亦以晉不能合諸侯以討其弑逆之罪故輕視中國而圍江以試之也

雨螽于宋

左傳秋雨螽于宋隊而死也

公羊傳雨螽者何死而墜也何以書記異也外異不書

此何以書為王者之後記異也

穀梁傳外災不志此何以志也曰災甚也其甚奈何茅

茨盡矣

茅茨猶盡則嘉穀可知茨蒺藜

著于上見于下謂之雨

雨自上而下者也螽不見其所從來自上而下衆

多如雨異之大者也

冬公如晉十有二月己巳公及晉侯盟

此書公如晉之始

左傳

晉人懼其無禮于公也請改盟

改二年處父之盟

公如晉

及晉侯盟晉侯饗公賦菁菁者莪

詩小雅義取既見君子樂且有儀

莊叔以公降拜

謝其以公比君子也

曰小國受命于大國敢不

慎儀

賦詩曰樂且有儀故答以敢不慎儀

君貺之以大禮何樂如之抑

小國之樂大國之惠也晉侯降辭

降階辭讓公

登成拜

俱還

上成
拜禮

公賦嘉樂

嘉樂詩大雅義取顯顯令
德宜民宜人受祿于天

晉人懼無禮而請改盟於公為不辱故適晉書而

反國亦致不書地盟于晉都也

晉陽處父帥師伐楚以救江

公羊穀梁無以字外
大夫書帥師自此始

左傳冬晉以江故告于周王叔桓公晉陽處父伐楚以

救江

桓公周卿士王叔文公
之子不書不親伐也

門於方城遇息公子朱

而還

子朱楚大夫伐江之帥也聞
晉師起而江兵解故晉亦還

公羊傳

此伐楚也其言救江何為諼也

諼詐

其為諼奈何

伐楚為救江也

救人之道當指其所之實欲救江而反伐楚以為其勢必當引圍江兵還自救

也故

云爾

穀梁傳

此伐楚其言救江何也江遠楚近伐楚所以救

江也

大夫帥師以名氏見大夫彊也春秋於侵伐多不言所事此書伐以救何言救江雖善而所以救之者非其道也是時楚商臣負弑逆之罪恃彊凌弱晉襄不能大合諸侯奉詞伐罪而獨遣一軍又不

敢徑造江之城下而聲言伐楚一遇子朱即避之而返既不能伐楚又不能救江畏怯甚矣故特起伐以救之文以罪之以者不以者也

四年春公至自晉

附錄左傳

四年春晉人歸孔達于衛以為衛之良也故免

之二年衛執孔達以說晉

夏衛侯如晉拜

謝歸孔達

曹伯如晉

會正

會受貢賦之政也傳言襄公能繼文之業而諸侯服從

夏逆婦姜于齊

左逆婦姜于齊卿不行非禮也

禮諸侯有故則使卿逆

君子是

以知出姜之不允于魯也

文公薨而見出故曰出姜允信也始來不見尊貴故

終不為國人所敬信也

曰貴聘而賤逆之

公子遂納幣是貴聘也

君而卑

之

君小君也

立而廢之棄信而壞其主

主內主也

在國必亂在

家必亡不允宜哉詩曰畏天之威于時保之敬主之

謂也

詩頌言畏天威于是保福祿為十八年姜氏歸齊張本

公羊傳

其謂之逆婦姜于齊何略之也

謂不書逆者之姓名不言如齊

不稱女不言至也

高子曰娶乎大夫者略之也

謂夫人乃齊大夫女賤不

可奉宗廟
故畧之

穀梁傳

其曰婦姜為其禮成乎齊也

昏禮成于齊故在齊便稱婦

其

逆者誰也親逆而稱婦或者公與何其速婦之也

怪稱

婦速故設為問辭而反覆推之

曰公也其不言公何也非成禮于齊

也

非責

曰婦有姑之辭也其不言氏何也貶之也何為

貶之也夫人與有貶也

夫人能以禮自防則夫婦之禮不成于齊故譏公而夫人

與馬

納幣卿行則逆婦必非微者穀梁謂公自逆是也

未至而稱婦則成禮于齊明矣圖昏於喪期之內
又成禮于婦家所謂失禮之中又失禮也故諱不
書公以示貶

狄侵齊

春秋霸業之盛首推桓文以其攘外而安內也狄
雖敗於箕未幾復侵齊春秋書之譏晉襄無攘却
之謀而齊霸不紹也

秋楚人滅江

左傳楚人滅江秦伯為之降服出次不舉過數降服素服也出

次辟正寢不舉去威饜鄰大夫諫公曰同盟滅秦江

國之禮有數今秦伯過之不告故雖不能救敢不矜乎吾自懼也君子曰詩云

惟彼二國其政不獲惟此四國爰究爰度其秦穆之

謂矣詩大雅爰于也究度皆謀也言夏商之君政不得人心故四方諸侯皆懼而謀度其政事喻秦

穆亦能感江之滅懼而思政也

春秋中以幕義從霸遂致滅亡者江與黃是也當

桓之世黃為楚滅齊不能救君子憫之江被圍經

年晉霸不競不能撼楚以庇江春秋書圍書滅著
晉襄之無遠謀見江上下同力效死乃亡國之善
辭也不書奔死社稷也

晉侯伐秦

左傳秋晉侯伐秦圍祁新城

祁杜注秦邑在今陝西澄城縣境新城杜注秦邑今

澄城縣東北有古新城即梁國之新里也

以報王官之役

王官役在三年

晉襄以王官之役不報為耻未若商臣得志於江
為耻之大也報秦而不誅商臣末矣况救江則遣

大夫伐秦則君親之故書晉侯伐秦於滅江之下見其急於修怨而緩於恤患也爵晉侯非善之以其徇私亟戰而不知戢故目其人而責之

衛侯使甯俞來聘

左傳衛甯武子來聘公與之宴為賦湛露及彤弓非禮之常

公特命樂人以示意故言為賦湛露彤弓詩小雅不辭又不答賦使行人私

馬私問之對曰臣以為肄業及之也肄習也以魯人失所賦故佯為不知

昔諸侯朝正于王朝而受政教也王宴樂之于是乎賦湛露

則天子當陽諸侯用命也

詩云湛湛露斯匪陽不晞乾也言露見日而乾猶

諸侯稟天子命而行

諸侯敵王所愾而獻其功

敵猶當也愾恨怒也

王于

是乎賜之彤弓一彤矢百旅弓矢千以覺報宴

覺明也謂

諸侯有四夷之功王賜之弓矢又為歌彤弓以明報功宴樂

今陪臣來繼舊好

因論

天子之樂故

君辱貺之其敢干大禮以自取戾

貺賜也干

犯也戾罪也解己所以不辭亦不答之意

禮諸侯歲相問殷相聘殷衆也殷見曰同十有二

年五服盡朝故曰殷見殷見既畢諸侯更遣大夫

以交於鄰邦謂之殷聘今殷見則亡而殷聘則存
聖人書之以傷周道也

冬十有一月壬寅夫人風氏薨

左傳冬成風薨為明年王使歸含贈傳

春秋正名定分之書也仲子不稱夫人稱夫人自
風氏始春秋記其卒葬各以實書不為異辭者謹
禮之所由變也

日講春秋解義卷二十三

欽定四庫全書蒼要卷一千七百四十九

經部

日講春秋解義卷二十四

文公

五年春王正月王使榮叔歸含且賵

左傳五年春王使榮叔來含且賵榮叔天子之上大夫榮采地叔字也

公羊傳含者何口實也孝子所以實親口也緣生以事死不忍虛其口天子以珠諸侯

以玉大夫以碧玉士以貝其言歸含且賵何兼之兼之非禮也

穀梁傳含一事也賵一事也兼歸之非正也其曰且志

兼也其不言來不周事之用也贈以早

乘馬曰贈所以助奠成風

未奠故

而含已晚

已殯故言晚

言早

春秋繫王於天以履天位治天職所惇庸者天叙
天秩所刑賞者天命天討文公以風氏之喪計於
王非禮也王不能正反歸含贈失天理矣故特不
稱天言弗克若天也

三月辛亥葬我小君成風

公羊傳成風者何僖公之母也

成風書葬是祔於姑也隱公時仲子猶別立宮以
祀今則儼然並尊又私謚焉亂禮甚矣書其實以
示譏也

王使召伯來會葬

召伯穀梁
作毛伯

左傳 召昭公來會葬

召米地伯爵
天子卿也

禮也

成風莊公之妾
母以子貴故曰

禮

穀梁傳

會葬之禮于鄙上

鄙竟也為送葬來
故從竟至墓上

王臣下聘桓公宰糾書名示貶而大夫再聘則書

字從同也今王以夫人之禮喪成風再不稱天何也薨而贈含尚曰不可又使卿來會葬將祔之於廟則其事益隆失益甚矣故復去天以示義

夏公孫敖如晉

王舍且贈又使卿來會葬禮莫隆焉不往謝而亟如晉慢王尊霸不貶而惡見矣

秦人入郤

左傳初郤叛楚即秦又貳于楚夏秦人入郤

郢介秦楚之間商臣弑逆郢叛楚而即秦以穆公
為可恃也及楚滅江懼而貳於楚秦不能庇郢乃
稱兵以入之而其後郢卒為楚所并王政不行小
國之無罪而就滅亡如此可哀也夫

秋楚人滅六

六杜注六國廬江六縣
在今江南六安州北

左傳六人叛楚即東夷秋楚成大心仲歸帥師滅六

仲歸

子家

冬楚公子燮滅蓼

蓼杜注蓼國安豐蓼縣今河
南固始縣東北蓼城岡即其

地滅文仲聞六與蓼滅曰皋陶庭堅不祀忽諸

蓼與
六皆

皋陶後也庭
堅皋陶字

德之建民之無援哀哉

邾滅須句楚滅六蓼皆世變之大者須句司大皞
之祀六蓼實皋陶之後上古建國歷唐虞三代縣
延不絕入春秋而後蕩滅無遺蓋不獨周綱解紐
自古聖王之政教至是而盡廢故不足以相維持
也

冬十月甲申許男業卒

附錄
左傳

晉陽處父聘于衛反過甯甯羸從之

甯杜注晉
邑汲郡修

武縣今河南獲嘉縣西及溫而還其妻問之羸曰以

北有故城羸逆旅大夫

沈漸猶滯弱也高明猶亢爽也言各當以

剛柔勝已本性乃能成全也此在洪範今謂之周書

夫子壹之

謂純任剛也

其不沒

乎天為剛德猶不干時

寒暑相順

况在人乎且華而不實

言過其行

怨之所聚也犯而聚怨

剛則犯人

不可以定身余懼

不獲其利而離其難是以去之

離麗也為六年晉殺處父傳

晉

趙成子

趙衰新上軍帥中軍佐也

欒貞子

欒枝下軍帥也

霍伯

先且居中

臼季

胥臣下軍佐也

皆卒

為六年蒐于夷傳

六年春葬許僖公

附錄左傳

六年春晉蒐于夷舍二軍

僖三十一年晉蒐清原作五軍今舍二軍

復三軍之制夷杜注晉地前四卿卒故蒐以謀軍帥

使狐射姑將中軍

代先且居

趙盾佐之

代趙衰也盾趙衰子

陽處父至自溫

往年聘衛過溫今始至

改

蒐于董

董杜注河東汾陰縣有董亭在今山西聞喜縣東北接絳州界

易中軍

易以趙盾

為帥射姑佐之

陽子成季之屬也

處父嘗為趙衰屬大夫

故黨于趙氏

且謂趙盾能曰使能國之利也是以上之宣子于是

乎始為國政

宣趙盾謚

制事典

典常也

正法罪

輕重當

辟刑獄

辟猶理也

董逋逃

董督也

由質要

由用也質要券契也

治舊滄

治理滄機

本

秩禮

貴賤不失其本

續常職

修廢官

出滯淹

拔賢能也

既成以授大

傅陽子與大師賈佗使行諸晉國以為常法

賈佗以公族從

文公而不在五人之數

夏季孫行父如陳

左傳

臧文仲以陳衛之睦也欲求好于陳夏季文子聘

于陳

季文子即行父季友之孫

且娶焉

季友以原仲之舊如陳者再今行父之往盖因其

祖舊好假公室之聘而圖婚耳韓侯因朝而娶詩
列大雅則於禮無譏故經但以出聘書而不及其
私與友之葬原仲異也

附錄
左傳

秦伯任好卒

任好秦穆公名

以子車氏之三子奄息仲

行鍼虎為殉

子車秦大夫氏也
以人從葬為殉

皆秦之良也國人哀

之為之賦黃鳥

黃鳥詩秦風義取黃鳥止于棘
桑往來得其所傷三良不然

君子

曰秦穆之不為盟主也宜哉死而棄民

善人者民之望也殺以殉

莫是辜
民望

先王違世猶詒之法而况奪之善人乎詩曰

人之云亡邦國殄瘁

詩大雅言善人亡則國瘁病

無善人之謂若

之何奪之古之王者知命之不長是以竝建聖哲

立建

聖知以司牧民

樹之風聲

因土地風俗為立聲教之法

分之采物

旌旗衣服各有

分著之話言

話善言也為作善言遺戒

為之律度

鍾律度量所以治厯明時

陳

之藝極

藝準也極中也貢獻多少之法傳曰貢之無藝又曰貢獻無極

引之表儀

導引

也表儀猶威儀

予之法制告之訓典

訓典先王之書

教之防利

防惡興利

委之常秩

委任也常秩官司之常秩

道之以禮則使毋失其土宜

衆隸賴之而後即命

即就也

聖王同之今縱無法以遺

後嗣而又收其良以死難以在上矣君子是以知秦

之不復東征也

不能復征東方諸侯為霸主

秋季孫行父如晉

左傳秋季文子將聘于晉使求遭喪之禮以行

聞晉侯疾故

其人曰將焉用之

其人從者

文子曰備豫不虞古之善教

也求而無之實難

難卒得

過求何害

王制諸侯比年一小聘三年一大聘五年一朝文

公即位六載未嘗一如京師而朝晉者再且數遣

聘問知霸主而不知有王比事以觀罪可見矣

八月乙亥晉侯驩卒

驩公羊作謹

左傳八月乙亥晉襄公卒靈公少晉人以難故欲立長

君趙孟曰

趙孟趙盾也

立公子雍

公子雍文公子襄公庶弟杜祁之子

好善

而長先君愛之且近于秦秦舊好也置善則固事長

則順立愛則孝結舊則安為難故故欲立長君有此

四德者難必抒矣

抒除也

賈季曰不如立公子樂

樂文公子

懷嬴所出辰嬴嬖于二君

辰嬴即懷嬴二君懷公文公也

立其子民必安

之趙孟曰辰嬴賤班在九人

班位也

其子何震之有

威震

也

且為二嬖淫也為先君子不能求大而出在小國

辟也母淫子辟無威陳小而遠無援將何安焉杜祁

以君故讓偁媼而上之

杜祁杜伯之後祁姓也偁國名媼媼姓女生襄公為世子

故杜祁讓使在已上

以狄故讓季隗而已次之故班在四

以季隗是

文公處狄時妻故復讓之

先君是以愛其子而仕諸秦為亞卿焉

言其

賢故位尊

秦大而近足以為援母義子愛足以威民立之

不亦可乎使先蔑士會如秦逆公子雍

先蔑士伯也士會隨季也

賈季亦使召公子樂于陳趙孟使殺諸郕

郕杜注晉地今河南

濟源縣西有郕亭

冬十月公子遂如晉葬晉襄公

左傳冬十月襄仲如晉葬襄公

禮諸侯五月而葬今三月不及期非禮也又禮諸侯之喪士弔大夫送葬及晉文昉為霸令使大夫弔卿共葬事故襄仲以卿往會亦非禮也

晉殺其大夫陽處父晉狐射姑出奔狄

射穀梁作夜

左傳

賈季怨陽子之易其班也

本中軍帥易以為佐

而知其無援

于晉也

少族多怨

九月賈季使續鞠居殺陽處父

鞠居孤氏之族

書曰晉殺其大夫侵官也

君已命帥處父易之故曰侵官

十一月

丙寅晉殺續簡伯

討其殺處父簡伯續鞠居十一月無丙寅丙寅十二月八日也日月

必有誤

賈季奔狄宣子使史駢送其帑

史駢趙盾屬大夫帑妻子也宣

子以賈季佐中軍同官故

夷之蒐賈季戮史駢

戮辱也

史駢之人欲

盡殺賈氏以報焉史駢曰不可吾聞前志有之曰敵

惠敵怨不在後嗣忠之道也

敵猶對也若及子孫則為非對是遷怒也

夫

子禮于賈季我以其寵報私怨無乃不可乎介人之

寵非勇也

介因也

損怨益仇非知也

殺季家欲以除怨宣子將復怨已是

益仇以私害公非忠也釋此三者何以事夫子盡具其

帑與其器用財賄親帥扞之送致諸竟

扞衛也

公羊傳

晉殺其大夫陽處父則狐射姑曷為出奔射姑

殺也射姑殺則其稱國以殺何君漏言也其漏言奈

何君將使射姑將

謂作中軍大夫

陽處父諫曰射姑民衆不

說不可使將于是廢將陽處父出射姑入君謂射姑

曰陽處父言曰射姑民衆不說不可使將射姑怒出刺陽處父于朝而走

穀梁傳

稱國以殺罪累上也襄公已葬其以累上之辭

言之何也君漏言也上泄則下闇下闇則上聾且闇

且聾無以相通

臣闇不言君無所聞上下否塞

夜姑殺者也夜姑之

殺奈何曰晉將與狄戰使狐夜姑為將軍趙盾佐之陽處父曰不可古者君之使臣也使臣者佐賢者不使賢者佐仁者今趙盾賢夜姑仁其不可乎

賢者多才也戰

主政伐仁者有惻隱之心不如多才者有權畧

襄公曰諾謂夜姑曰吾始使

盾佐女今女佐盾矣

稱處父語以語之故傳曰漏言也

夜姑曰敬諾

襄公死處父主竟上事

待諸侯會葬在鄙上

夜姑使人殺之君

漏言也故士造辟而言詭辭而出

辟君也言與君言出則詭辭不以實

告人曰用我則可不用我則無亂其德

此士對君言之辭

凡君與臣同殺則稱國今射姑實殺處父而罪累

上者見人君以公正之道進退其臣人自心服無

所歸咎襄公乃漏言於射姑嫁怨於處父雖非身

殺之而以失言殺之等殺耳故襄公已卒而書國
殺所以為後世戒也

閏月不告月猶朝于廟

左傳

閏月不告朔非禮也

經稱告月傳稱告朔明告月必以朔

閏以正時

四時漸差則置閏以正之

時以作事

順時命事

事以厚生

事不失時則年豐而民生

厚

生民之道于是乎在矣不告閏朔棄時政也何以

為民

為治也

公羊傳

不告月者何不告朔也

禮諸侯受十二月朔政于天子藏于祖廟每月

朔朝廟使大夫南面奉天子命君北面
而受之比時使有司先告朔謹之至也
曷為不告朔

謂不言朔而言月

天無是月也閏月矣何以謂之天無是月

非常月也猶者何通可以已也

朝者因視朔政爾無政而朝故曰猶不言

朔者閏月無

告朔禮也

穀梁傳不告月者何也不告朔也不告朔則何為不言

朔也閏月者附月之餘日也積分而成于月者也
歲一

三百六十日餘六日又有小月六積五歲約得六十日而再閏積衆月之餘分以成此月天子不

以告朔而喪事不數也

閏是叢殘之數非月之正故吉凶大事皆不用也

猶

之為言可以已也

告朔然後朝廟既廢其大而行其細故譏之

諸侯月朔告於廟謂之告朔因以聽治此月之政
謂之視朔不告月者不告朔也因月之盈虧置閏
是主乎月而有閏也故不言朔而言月在禮天子
閏月聽朔於明堂閏者所以定四時成歲天子以
為月而頒之諸侯不奉以告是輕正朔慢時令也
況一月之內百官修政於朝庶民服事於野閏雖
無常而政有常安得不告猶朝於廟者幸其不已

之詞也

七年春公伐邾

左傳七年春公伐邾閒晉難也公因霸國有難而侵小

三月甲戌取須句遂城郛

句公羊作胸郛杜注魯邑卞縣南有郛城在今山東泗水

縣東南

左傳三月甲戌取須句

須句魯封內屬國僖公反其君之後邾復滅之寘文公

子也

邾文公子叛邾在魯故使為守須句大夫

非禮也

絕大辟之祀以與鄰國叛臣故曰非

禮

公羊 取邑不日此何以日內辭也使若他人然據昭三十

二年正月取闕亦邾婁之邑未嘗書日今以日為內辭者使若公春伐邾婁而去他人自以甲戌日取之所以深諱其貪利取邑也然僖公嘗伐邾取須朐矣何以不為內辭哉公羊之說非也

穀梁 取邑不日此其日何也不正其再取故謹而日

之也僖二十二年公已伐邾取須句過而不改故錄日以志之然非也設不日則聽其取已乎

遂繼事也因伐邾之師

晉襄既卒國未立君公乘其閒伐邾取邑絕大皞之祀俾邾之叛臣守之貪土地而舍逋逃又重勞

民力城內邑以防邾師之至心有慊焉故畏鄰國之伐而不知愈重其過耳

夏四月宋公王臣卒

王臣穀梁作王臣

宋人殺其大夫

左傳夏四月宋成公卒于是公子成為右師

莊公子

公孫

友為左師

目夷子

樂豫為司馬

戴公立孫

鱗臚為司徒

桓公孫

公子蕩為司城

桓公子也以武公名廢司空為司城

華御事為司寇

華元

父也傳言六卿皆公族昭公不親信之所以致亂

昭公將去羣公子

成公卒其弟禦殺世

子而自立國人殺禦而立
其少子杵臼是為昭公

樂豫曰不可公族公室之

枝葉也若去之則本根無所庇廕矣葛藟猶能庇其

本根故君子以為比

詩人取以喻九族兄弟

況國君乎此諺所

謂庇焉而縱尋斧焉者也

縱放也尋即將尋斧柯之尋

必不可君

其圖之親之以德皆股肱也誰敢携貳若之何去之

不聽穆襄之族率國人以攻公

穆公襄公之子孫昭公所欲去者

殺

公孫固公孫鄭于公宮

二子在公宮故為亂兵所殺

六卿和公室

樂豫舍司馬以讓公子卬

卬昭公弟

昭公即位而葬書曰

宋人殺其大夫不稱名衆也且言非其罪也

殺者衆故名不

可知死者無罪則例不稱名

公羊傳

何以不名

成公十五年秋宋殺其大夫山稱名

宋三世無大夫三

世內娶也

穀梁傳

稱人以殺誅有罪也

臣以權寵逼君故曰有罪

成公在殯昭公首為亂階至使公族構難大夫罹殃經書宋人以著國亂無政而昭公之不君亦可見矣

戊子晉人及秦人戰于令狐晉先蔑奔秦

蔑公羊作昧奔上有以師

字

左傳

秦康公送公子雍于晉曰文公之入也無衛故有

呂卻之難

在僖二十四年

乃多與之徒衛穆嬴日抱太子以

啼于朝曰

穆嬴襄公夫人靈公母也

先君何罪其嗣亦何罪舍適

嗣不立而外求君將焉寘此出朝則抱以適趙氏頻

首于宣子曰先君奉此子也而屬諸子曰此子也才

吾受子之賜不才吾唯子之怨今君雖終言猶在耳

而棄之若何宣子與諸大夫皆患穆嬴且畏偏

畏國人以

大義來逼已

乃背先蔑而立靈公

初使先蔑逆子雍故言背靈公大子夷皋也

以禦秦師箕鄭居守趙盾將中軍先克佐之

克先且居子代

孤射姑

荀林父佐上軍

箕鄭將上軍居守故佐獨行

先蔑將下軍先

都佐之步招御戎戎津為右及董陰

先蔑士會逆公子雍前還晉晉

人始以逆雍出軍故蔑猶在職董陰杜注晉地

宣子曰我若受秦秦則賓也

不受寇也既不受矣而復緩師秦將生心先人有奪

人之心軍之善謀也逐寇如追逃軍之善政也訓卒

利兵秣馬蓐食潛師夜起

蓐食早食于寢蓐也

戊子敗秦師于

令狐至于剗首

剗首杜注令狐在河東與剗首相接按令狐今山西猗氏縣地剗首當在

今滎河臨晉間

己丑先蔑奔秦士會從之先蔑之使也荀林

父止之曰夫人太子猶在而外求君此必不行子以

疾辭若何不然將及攝卿以往可也何必子同官為

寮吾嘗同寮敢不盡心乎弗聽為賦板之三章

板詩大雅

其三章義取芻蕘之言猶不可忽況同寮乎僖二十八年林父將中行先蔑將左行

又弗聽及

亡荀伯盡送其帑及其器用財賄于秦

荀伯林父

曰為同

察故也士會在秦三年不見士伯士伯先幾其人曰能亡

人于國

言能與人俱亡于晉國

不能見于此焉用之

何用如此

士季

曰

士季士會

吾與之同罪非義之也

言己非幕先幾之義而從之

將何

見焉及歸遂不見

責先幾為正卿而不匡諫且俱出奔惡有黨也士會歸在十三年

公羊傳

晉先昧以師奔秦此偏戰也何以不言師敗績

敵也此晉先昧也其稱人何貶曷為貶外也其外奈

何以師外也

懷持二心有功欲還無功便持師出奔故于戰貶之

何以不言出

遂在外也

言從竟外去

穀梁傳

不言出在外也。穀戰而奔秦，以是為逃軍也。

止穀

也為將而獨

奔故曰逃軍

晉人舍適嗣而外求君，其始已失。及畏偪立君，不知以禮謝秦而悍然興戎，掩其不脩。蓋晉人為志乎是戰也，言戰不言敗，勝負敵也。先蔑之奔，不言出明自軍中去也。

狄侵我西鄙

左傳狄侵我西鄙，公使告于晉。趙宣子使因賈季問鄆。

舒且讓之

時賈季奔在狄鄆舒狄相

鄆舒問于賈季曰趙衰趙盾

孰賢對曰趙衰冬日之日也趙盾夏日之日也

冬日可愛

夏日可畏

魯嘗患戎未嘗患狄蓋狄遠魯且懾晉也至是晉構秦難不在諸侯魯間之而近伐邾狄亦間之而遠侵魯春秋書此罪魯之不自正而晉業之替亦見矣

秋八月公會諸侯晉大夫盟于扈

扈杜注鄭地滎陽卷縣西北有扈亭在今

河南原武縣西北

左傳秋八月齊侯宋公衛侯陳侯鄭伯許男曹伯會晉

趙盾盟于扈晉侯立故也公後至故不書所會凡會

諸侯不書所會

謂不具列公侯及卿大夫

後也後至不書其國辟

不敏也

不敏猶不達也諸國皆在公獨後是不達于事此傳自釋凡例之意

公羊傳

諸侯何以不序大夫何以不名公失序也公失

序奈何諸侯不可使與公盟眡晉大夫使與公盟也

以目通指曰眡文公內則喪娶逆祀外則貪利取邑為諸侯所薄賤故不見序

穀梁傳

其曰諸侯畧之也

以大夫主盟諸侯自會扈始趙盾初立靈公專執
晉政彊會八國之君而自主盟若晉無君然故諸
侯不序而趙盾不名所以著大夫之專也

冬徐伐莒

徐僭號即戎厥後自進於中國數從會伐經皆稱
人以其能附中國也今以中國無霸興兵伐莒故
復以號舉

公孫敖如莒涖盟

涖公羊穀
梁作莅

左傳穆伯娶于莒曰戴已生文伯其娣聲已生惠叔

穆伯

公孫敖也文伯
穀也惠叔難也

戴已卒又聘于莒莒人以聲已辭則

為襄仲聘焉

襄仲公子遂
敖從父昆弟

冬徐伐莒莒人來請盟

見伐

故欲
結援

穆伯如莒涖盟且為仲逆及鄆陵

鄆陵杜
注莒邑

登城

見之美自為娶之仲請攻之公將許之叔仲惠伯諫

曰

惠伯叔
牙孫

臣聞之兵作于內為亂于外為寇寇猶及

人亂自及也今臣作亂而君不禁以啓寇讐若之何

公止之惠伯成之

平二
子

使仲舍之

舍不
娶

公孫敖反之

還莒復為兄弟如初從之為明年公孫教奔莒傳

穀梁蒞位也其曰位何也前定也其不日前定之盟

不日也

以徐伐莒而往涖盟嫌非兩國交盟之例故明之

莒為徐所伐故來求援請修洮之盟而教因盟莒以代弟逆婦且為不道經第書涖盟所謂春秋書王法不誅其人身也

附錄晉卻缺言于趙宣子曰日衛不睦故取其地日

左傳日元年晉伐衛取戚田今已睦矣可以歸之叛而不討何以示

威服而不柔何以示懷非威非懷何以示德無德何以主盟子為正卿以主諸侯而不務德將若之何夏書曰戒之用休董之用威勸之以九歌勿使壞九功之德皆可歌也謂之九歌六府三事謂之九功水火金木土穀謂之六府正德利用厚生謂之三事義而行之謂之德禮

德正德也禮以制財用之節又以厚生民之命

無禮不樂所

由叛也若吾子之德莫可歌也其誰來之盍使睦者

歌吾子乎宣子說之

為明年晉歸鄭衛田張本

八年春王正月

附錄左傳

八年春晉侯使解揚歸匡戚之田于衛

解揚晉大夫匡

本衛邑中屬鄭孔達伐不能克今晉令鄭還衛並歸所取戚田

且復致公壻池之封

自申至于虎牢之竟

公壻池晉君女壻舊取衛地以封之今並還衛也申杜注鄭地

當在今河南汜水縣界

夏四月

附錄左傳

夏秦人伐晉取武城以報令狐之役

令狐後在七年

秋八月戊申天王崩

左 秋襄王崩

子頃王壬臣立為公孫敖如周弔傳

冬十月壬午公子遂會晉趙盾盟于衡雍

左 傳 晉人以扈之盟來討

前年盟扈公後至

冬襄仲會晉趙

孟盟于衡雍報扈之盟也

乙酉公子遂會雒戎盟于暴

公羊作伊雒戎暴杜注鄭地

左 傳 遂會伊雒之戎

伊雒之戎將伐魯公子遂不及復君故專命與之盟

書曰公

子遂珍之也

珍貴也

翟泉之盟猶有王人及魯公蒞焉以大夫而專會

盟自衡雍始其後趙盾仲遂皆為弑君之賊而有
後於魯晉三桓專魯六卿分晉其兆早見於斯矣
遂既盟趙盾四日又盟維戎而再以名見不書遂
會蓋以二事出皆有公命左氏之說非也

公孫敖如京師不至而復丙戌奔莒

公羊無而字

左傳穆伯如周弔喪不至以幣奔莒從已氏焉

已氏莒女

公羊傳不至復者何不至復者內辭也不可使往也

安居

不肯行故諱使若已行但不至而還爾

不可使往則其言如京師何遂

公意也

正其義不使君命壅塞

何以不言出

據廢父言出奔

遂在外也

諱使若從外來不敢復還者也

穀梁

不言所至未如也

若其已行當如公子遂至黃乃復今不言所至而直言復

知其實未如也

未如則未復也未如而曰如不廢君命也

受命

而出義無私留書如京師以顯命行于下不書所至以表不去之罪

未復而曰復不專

君命也

復者事畢之辭未如故知其未復加畢事之文者言君命無輒專之道

其如非

如也其復非復也唯奔莒之為信故謹而日之也

還者事畢復者事未畢也禮君言不宿於家况教

受命以赴天王之喪廢天命而徒返無王無君罪
莫甚焉文公既不加誅又不再使卿往亦罪也不
言所至者舉京師為重也不言出受命矣自外出
也

螽

螽公羊
作螽

宋人殺其大夫司馬宋司城來奔

左傳

宋襄夫人襄王之姊也昭公不禮焉

昭公適
祖母

夫人

因戴氏之族

華樂皇
皆戴族

以殺襄公之孫孔叔公孫鍾離

及大司馬公子卬皆昭公之黨也司馬握節以死故

書以官

節國之符信也握之以死示不廢命

司城蕩意諸來奔效節于

府人而出

效猶致也意諸公子蕩之孫

公以其官逆之皆復之

卿

從大夫公賢其效節故以本官逆之請宋而復之司城官屬悉來奔故言皆復

亦書以官皆

貴之也

公羊傳

司馬者何司城者何皆官舉也

皆以官名舉言之

曷為

皆官舉

據宋殺其大夫山不官舉

宋三世無大夫三世內娶也

宋

內娶三世妃黨爭權相殺主或不知所任故舉其官

穀梁傳 司馬官也其以官稱無君之辭也 司城官也

其以官稱無君之辭也來奔者不言出舉其接我也
殺其大夫志亂也二人皆以官舉見主兵者不能
其官至於見殺守土者不能其官至於出奔故以
其官責之而宋國無政昭公之不能定位已於此
見其端兆矣

附錄
左傳

夷之蒐晉侯將登箕鄭父先都

登之于上軍也
夷蒐在六年

而使士穀梁益耳將中軍

士穀本
司空

先克曰狐趙之勲

不可廢也

狐偃趙衰有從亡之勲

從之先克奪蒯得田于董陰

七年晉禦泰師于董陰以軍事奪其田也先克中軍佐

故箕鄭父先都士穀梁

益耳蒯得作亂

著五人作亂之由為明年殺先克張本

九年春毛伯來求金

來求止此

左傳毛伯衛來求金非禮也

天子不私求財故曰非禮

不書王命未

葬也

公羊傳

毛伯者何天子之大夫也何以不稱使當喪未

君也踰年矣何以謂之未君

襄王崩在八年踰年當即位

即位矣

而未稱王也未稱王何以知其即位以諸侯之踰年

即位亦知天子之踰年即位也

俱繼體其禮不得異

以天子三

年然後稱王亦知諸侯于其封內三年稱子也

各信思于

其下踰年稱公矣則

為于其封內三年稱子緣民臣

之心不可一日無君緣終始之義一年不二君

故君薨稱

子某既薨稱子明繼體以繫民臣之心

不可曠年無君

故踰年稱公

緣孝子

之心則三年不忍當也

孝子三年志在思慕不忍當父位故雖即位猶于其封內

三年稱子毛伯來求金何以書譏何譏爾王者無求求金

非禮也然則是王者與

據未稱王

曰非也非王者則曷為

謂之王者三者無求曰是子也繼文王之體守文王

之法度文王之法無求而求故譏之也

引文王者文王始受命制

法度

穀梁傳

求車猶可求金甚矣

求俱不可在喪尤甚

公孫敖既不至京師魯遂不供天子之喪故毛伯

來風魯以求金何以不稱使當喪未君也冢宰不

能制國用而下求諸侯不貢而致王求皆非也自

是以後魯不修貢而王亦無求矣

夫人姜氏如齊

二月叔孫得臣如京師

穀梁傳

京大也師衆也言周必以衆與大言之也

辛丑葬襄王

左傳

二月莊叔如周葬襄王

莊叔即得臣

公羊傳

王者不書葬此何以書不及時書過時書我有

往者則書

穀梁傳天子志崩不志葬舉天下而葬一人其道不疑

也志葬危不得葬也

不得脩禮葬

日之甚矣其不葬之辭

也

王室微弱諸侯無復往會葬

前年公子遂如晉葬襄公今此得臣如京葬襄王

是夷周於晉也

晉人殺其大夫先都

左傳九年春王正月己酉使賊殺先克

箕鄭等所使也不赴故不書

乙丑晉人殺先都梁益耳

乙丑正月十九日經書二月從告

三月夫人姜氏至自齊

穀梁傳

卑以尊致病文公也

夫人行例不致乃以君禮致刺公寵之過

夫人與君敵體然適他國未有致之者則其行非禮以不致見其罪也此書致以歸寧告廟得其正也歸寧常事爾宜不書然不一書則終無以著其正故於出姜之至見之又歸寧雖常事而出姜之歸寧以不安於魯而歸告於父母則非常也

晉人殺其大夫士穀及箕鄭父

左傳 三月甲戌晉人殺箕鄭父士穀蒯得

梁益耳蒯得不書皆非卿

穀梁 傳 稱人以殺誅有罪也鄭父累也

三大夫作亂殺中軍佐固有罪矣曷為不稱國討
時晉侯年幼政在趙盾故稱人以殺見大夫專作
威福而政不自君出也

楚人伐鄭

左傳 范山言于楚子曰

范山楚大夫

晉君少不在諸侯北方

可圖也楚子師于狼淵以伐鄭

狼淵杜注潁川潁陰縣有狼陂在今河南

許州

囚公子堅公子尤及樂耳

三子鄭大夫

鄭及楚平

公子遂會晉人宋人衛人許人救鄭

左傳

公子遂會晉趙盾宋華耦衛孔達許大夫救鄭

華耦

華督曾孫

不及楚師卿不書緩也以懲不恪

獨書公子遂者春秋于魯

事自非特為褒貶則皆從國史不同之于他國也

楚自城濮以來不敢窺諸國以文襄之烈存也今
狼淵之師正其嘗試之時而趙盾不能折衝弭患
乃視為常役緩不及事致楚得志而晉遂不競矣

夏狄侵齊

楚得志而狄交侵矣故書以病晉也

附錄

左傳夏楚侵陳克壺丘

壺丘杜注陳邑在今河南陳州南境

以其服于

晉也

秋楚公子朱自東夷伐陳

公子朱息公也

陳人敗之

獲公子筏陳懼乃及楚平

以小勝大故懼而請平也傳言晉君少楚陵中國明

年所以有厥貉之會

秋八月曹伯襄卒

九月癸酉地震

公羊傳 地震者何動地也何以書記異也

天動地靜者常也地動者

象陰為陽行故曰異

穀梁傳 震動也地不震者也震故謹而日之也

地道以靜為體以順為正安以承天者也逆其常理而不得節則震而不安其所承矣

冬楚子使椒來聘

椒穀梁作荻楚君臣始並見經

左傳 冬楚子越椒來聘

子越椒令尹子文從子尹

執幣傲叔仲惠伯

曰是必滅若敖氏之宗傲其先君神弗福也

十二年傳曰先

君之欲器使下臣致諸執事明奉使皆告廟故言傲其先君也為宣四年楚滅若敖氏張本

公羊傳椒者何楚大夫也楚無大夫此何以書始有大

夫也始有大夫則何以不氏

據屈完氏

許夷狄者不一而

足也

許與也言進之當以漸

殺梁

楚無大夫其曰款何也以其來我褒之也

先儒皆謂春秋與楚幕義能以禮交諸侯故褒進之乃樂與人為善之義此大非也商臣負覆載不容之罪乘晉霸之衰圍江圍巢滅江滅六滅蓼伐

鄭侵陳侵宋其聘魯乃遠交近攻之術亦所以窺
伺東夏耳春秋乃用此褒之而赦其大惡逆天理
悖人情矣而謂孔子有是乎蓋中國無霸楚勢日
張魯人畏其憑陵喜於來聘而以待齊晉之禮待
之故舊史備其辭孔子仍而不草以著諸侯畏楚
之情實耳觀十年冬楚次厥貉亦書爵則以書爵
為褒其不可通也審矣

秦人來歸僖公成風之襚

傳左秦人來歸僖公成風之祔禮也

秦本非魯方獄同盟無相赴弔之制

故不譏其緩而

以接好為禮諸侯相弔賀也雖不當事

送死不及尸故曰不

當苟有禮焉書也以無忘舊好

公羊傳其言僖公成風何兼之兼之非禮也

禮主于敬當各使一

使所以易為不言及成風成風尊也

不可使卑及尊也

穀梁傳秦人弗夫人也

言秦人弗以成風為夫人故不言夫人

即外之弗

夫人而見正焉

見不以妾為妻之正


秦晉方不睦而魯善於晉故秦人歸祔以結魯猶

楚欲圖北方而來聘也過時始至不以緩為譏以
其始通錄之也僖公成風雖母子先君後夫人體
當然也不言及卑不及尊也不稱夫人以義不得
言及苟稱夫人則辭不別白嫌於僖公之夫人耳

葬曹共公



日講春秋解義卷二十四



覆校官檢討臣季學錦
校對官庶吉士臣許兆椿
謄錄監生臣徐繩玉